



Universitätsbibliothek Paderborn

**Animae Illvstres Ivliae Cliviae Montivm Marchiae
Ravenspvrgi Morsae Annexarvmqve Provinciarvm E
Monvmentis Calamo R. P. Theodori Rhay. Societatis Iesv
Redivivae**

Rhay, Theodor

Neobvrgi Ad Danvbium, 1663

XVIII.

urn:nbn:de:hbz:466:1-10835

tione & meritorum gloriâ clarissimus; quidum,
 S. IOANNIS Baptiste exemplo, cognatos Potho-
 rem de Reinstein, Henricumque à Falckenberg seu
 ab Hondt sanguine nobiles, sed flagitijs ma-
 gis illustres, plenâ libertate Christianâ monen-
 do ad saniora itæ morumque sanctiora consi-
 lia animaret, *visus est cum Loht peccatori-
 bus, quasi ludens loqui,* quod essent sine ti-
 more; uude ab efferatis & Impijs sacrilegâ ma-
 nu obtruncatur gloriosus Christi Athleta,
 ipso sanctæ Barbaræ Festo anno MCCCIII
 doctrinam suam proprio sanguine consignans.
 Sunt qui Conradum hunc Martyrem habent,
 quod certis rationibus doceri minimè potest,
 ideoque hic non astruo. *Nouit Deus cui la-
 boravit & certauit, & qui certantes vincentesque
 coronat.* Chron. Heripolen. & Bucelinus.

XVIII.

RUPERTVS è Ducali MONTIVM sanguine
 oriundus Pataviensis primùm, dein totius
 cleri votis Padibornensis electus Episcopus 31.
Princeps Pacis, Justitiae Zelo nulli secundus; Ec-
 clesiæ suæ proventus magnifice auxit, vniver-
 sis acceptissimus; cuius in omni fortuna, con-
 stans

stans vox: *Mala non obesse, nisi malis; Bona non prodeesse nisi bonis.* probè enim tenebat, manum Dei incognitam quidem nobis, nunquam tamē malam (vtpote semper Paternam) esse posse, eundēmque felicitati terrenæ amaritudines miscere, ut illa queratur felicitas, cuius dulcedo non est fallax, quam in votis habens, ubique Religionis & munificentiaæ suæ monumentis relictis, mortalitatem A. C. 1394. pestiferâ lue exuit, dum munitissimam arcem PADTBERG ab hostibus Ecclesiæ in sessam obsidione premeret, & à successore *Ioanne Episcopo ab HOIA*, eius tandem à morte captam. Monumentum & quietem in Ecclesiâ suâ *Patiboræ* reperit,

XX.

Eiusdem meritis (*HOIA*, successore vita functo) allectum *Illusterrimum Cathedrale Capitulum*, eius fratrem **GVLIELMUM** 18. annorum *Principem*, *Antistitem* ordine 33, constituit, contra quem dum *Pontifex Romanus BERTRANDVM* *Canonicum Ravennatem* nominat, dubiâ aliquamdiu possessione **GVLIELMVS** usus, tandem legitimè confirmatus est, quod *Bertrandus lingua Saxonica ignorans* sese subditis obesse